



Broj:
Goražde, 07.04.2014.godine

ZAPISNIK

sa sastanka održanog dana 07.04.2014.godine sa početkom u 11³⁰časova
u „Skupštinskoj sali“ BPK Goražde
na temu: „Status branilaca i članova njihovih porodica“

Na zahtjev Koordinacije temeljnih boračkih udruženja BPK Goražde, Ministarstvo za boračka pitanja je, u „Skupštinskoj sali“ BPK Goražde sa početkom 11³⁰časova, organiziralo sastanak na temu: „Status branilaca i članova njihovih porodica“.

Sastanku su prisustovali:

1. Predsjedavajući Skupštine BPK Goražde (Suad Došlo)
2. Poslanici u Skupštini BPK Goražde (Edim Fejzić, Mehmed Turčalo i Rasim Mujagić)
3. Premijer BPK Goražde (Emir Frašto)
4. Ministri u Vladi BPK Goražde (Zijad Briga, Nela Čarapić, Alem Mujković i Demir Imamović)
5. Načelnici općina (Muhamed Ramović, Asim Zec i Zijad Kunovac)
6. Pomoćnici općinskih načelnika (Džemal Popović, Enver Adžem i Ermin Herak)
7. Predstavnici Službe za zapošljavanje BPK Goražde (Nafija Hodo i Mensud Turković)
8. Predstavnici JU „Centar za socijalni rad“ BPK Goražde (Abid Dragolj)
9. Službenici Ministarstva za boračka pitanja (Nedžad Topalović i Vahid Dumanjić)
10. Predstavnik službe za informisanje BPK Goražde (Adaleta Đozo)
11. Predstavnici udruženja boračkih populacija (Nesib Hodo, Derviš Hadžić, Safet Sijerčić, Admir Osmanspahić, Abduselam Sijerčić i Mirsad Crljenković)
12. Demobilisani borci (Dževad Halilović, Vahid Vrana i Selmir Čutuna)

Sastanak vode Zijad Briga – Ministar za boračka pitanja BPK Goražde i ispred Koordinacije udruženja boračkih populacija Nesib Hodo – Predsjednik Udruženja demobilisanih boraca ARBiH BPK Goražde.

Sastanku je predložen slijedeći Dnevni red:

1. Zapošljavanje
2. Stambeno zbrinjavanje
3. Socijalno zbrinjavanje nesposobnih za rad
4. Materijalno zbrinjavanje za vrijeme nezaposlenosti
5. Liječenje

Otvarajući sastanak, **Zijad Briga** je u uvodnom izlaganju iznio aktivnosti Ministarstva na unapređenju statusa pripadnika boračkih populacija te aktuelne probleme sa kojima se ove kategorije stanovništva suočavaju, sa osvrtom na uzroke problema i moguća rješenja.

Ispred Koordinacije udruženja boračkih populacija prisutnima se obratio **Nesib Hodo**, ukratko iznoseći konkretne probleme sa kojima se suočavaju pripadnici boračkih populacija. U svom izlaganju, Hodo je iznio slijedeće stavove vezano za pojedine tačke predložene dnevnim redom:

1. Zapošljavanje
 - Striktno poštivanje odredbi Zakona o dopunskim pravima koje se odnose na prednost prilikom zapošljavanja branilaca i članova njihovih porodica;
 - Veći angažman nadležnih organa u smanjenju rada na crno;
 - Obzirom na dob demobilisanih branilaca, u programima zapošljavanja izbjegavati stavljanje ograničenja koje se odose na godine života;
 - Omogućiti imenovanje pripadnika boračkih populacija u upravne odbore preduzeća.
2. Stambeno zbrinjavanje
 - Striktno poštivanje Odluke Skupštine BPK Goražde o načinu raspodjele potkrovnih stanova;
3. Socijalno zbrinjavanje nesposobnih za rad
 - Iznači sredstva za trajnu novčanu pomoć.
4. Materijalno zbrinjavanje za vrijeme nezaposlenosti
 - Odrediti pakete sa hranom
5. Liječenje
 - Omogućiti besplatno liječenje svim pripadnicima boračkih populacija

U otvorenoj diskusiji, **Abduselam Sijerčić** je istakao slijedeće:

1. Nužnost sprovođenja revizije dosadašnjih prijema u radni odnos;
2. Pružanje pravne i socijalne zaštite pripadnicima Armije BiH osumljenih za ratne zločine

Obrativši se ispred Službe za zapošljavanje BPK Goražde, direktorica **Nafija Hodo** je iznijela slijedeće:

- Svim programima Službe su obuhvaćeni demobilisani borci, ratni vojni invalidi i članovi porodica šehida i poginulih boraca sa prostora BPK Goražde. Istima nisu nametnuta nikakva ograničenja vezana za godine starosti ali da ista postoje u nekim federalnim programima.
- U svom radu, Služba za zapošljavanje BPK Goražde poštuje odredbe Zakona o dopunskim pravima vezano za prednost u zapošljavanju pripadnika boračkih populacija.
- Da, u svom zapošljavanju, demobilisani borci imaju problem kompetencija obzirom da su davno prestali sa radom.
- Da smatra, kao najbolji način pružanja pomoći demobilisanim borcima – samozapošljavanje.
- Da postoji problem prilikom donošenja ocjene invalidske komisije kojim se utvrđuje promjena radnog mjesta u slučajevima kada demobilisani borci nisu ranije radili.
- Da je Služba implementirala 6 programa zapošljavanja invalidnih lica
- Da je posebno indikativno da se 10-ro djece šehida – poginulih boraca sa VSS nalazi na evidenciji Službe

U svojoj diskusiji, poslanik u Skupštini BPK Goražde – **Rasim Mujagić** je istakao:

1. Da se sredstva za unapređenje statusa pripadnika boračkih populacija i rješavanje iznijetih problema mogu iznaći preraspodjelom sredstava u Budžetu BPK Goražde.
2. Sa aspekta zapošljavanja pripadnika boračkih populacija, podržava formiranje boračkih zadruga.

Poslanik u Skupštini BPK Goražde – **Mehmed Turčalo**, postavio je slijedeća pitanja:

1. Dokle se stiglo u realizacije zaključaka tematske sjednice Skupštine BPK Goražde održane na temu stanja u oblasti boračko-invalidske zaštite posebno istakavši:
 - Da je 20 % Budžeta Ministarstva potrebno usmjeriti u zapošljavanje i samozapošljavanje boraca i članova njihovih porodica;
 - Pravo na besplatnu užinu učenicima osnovnih škola;
 - Pitanje izgradnje i uređenja spomen obilježja (Z. Imamoviću, „Rorovi“, „Most ispod mosta“)

Načelnik Općine Pale u FBiH – **Asim Zec** je iznio da, zbog stanja u kojem se nalazi Općina zbog slabog priliva sredstava i umanjenog finansiranja od strane viših nivoa vlasti, nije u mogućnosti pružiti bilo kakvu pomoć pripadnicima boračkih populacija.

Kraćim obraćanjima, prisutnima su se obratili i neki od demobilisanih boraca.

Predsjednik Saveza RVI BPK „Sinovi Drine“ Goražde – **Safet Sijerčić** je zatražio uključivanje i ostalih resornih ministarstava u rješavanje problema pripadnika boračkih populacija.

U svom obraćanju, Premijer BPK Goražde – **Emir Frašto** je iskazao spremnost Vlade BPK Goražde na zajedničkom rješavanju istaknutih problema boraca i članova njihovih porodica.

Dajući odgovore na neka od postavljenih pitanja, Ministar Briga je predložio usvajanje slijedećih zaključaka

Z a k l j u č c i:

1. Da Koordinacija udruženja boračkih populacija sačini listu prioriteta po svim tačkama dnevnog reda te iste dostavi Ministarstvu s ciljem njihovog rješavanja.
2. Iskoristiti sve mogućnosti djelovanja s ciljem donošenja Zakona o pravima demobilisanih boraca na nivou FBiH , čijim bi se donošenjem riješila mnoga pitanja od značaja za ovu populaciju

Sastanak je završena u 13¹⁰ časova.

ZAPISNIK SAČINIO

Nedžad Topalović

ZAPISNIK OVJERAVA

Zijad Briga, ministar